



世宗憲皇帝御製文集



10905


卷一
之二

世宗憲皇帝御製文集卷之六



亦敕諭

諭總督



自古帝王疆理天下必有岳牧之臣以分

猷佐治而後四方寧謐共臻上理此封疆

大臣以總督為最重也總督地控兩省權

世宗憲皇帝御製文集

卷一 敕諭

一

兼文武必使將吏協和軍民綏輯乃為稱

職但統轄遼遠職務殷繁較巡撫之所屬

更大是在遴選屬僚之賢能者委任得宜

則振綱飭紀可無廢弛之虞而人以報國

亦得大臣之體特是澄清吏治必本大公

之心虛懷察訪果係清節素著才具練達

者任以要劇即行保薦則舉一可以風百
今或以逢迎意指爲能以沽名市譽爲賢
甚至暗通賄賂私受請託不肖官吏濫列
薦章而樸素無華敦尚實治者反抑而不
伸是豈風厲屬員之道乎朕視天下如一
家視臣鄰如一體爾等亦宜深體此意以

世宗憲皇帝
御製文集

卷一 敕諭

二

一家之心視兩省以一體之心視屬吏本
之至公用之至當則上司之任使下僚如
身之使臂臂之使指凡有才有守之人皆
樂爲効用矣至於所在管轄地方有作奸
犯科之豪猾倚勢剝民之搢紳理應重加
懲治因巧於結納反得僥倖自全而家居

之大臣官員皆經
皇考任用之人致政投閑安靜自好爲大
吏者並不加以禮貌或反被土豪侵欺者
有之亦非所以表率屬僚彰善癉惡之道
也總督與巡撫將軍提督誼屬同寅凡地
方軍民事務宜互相商榷各本虛公勿苟

世宗憲皇帝
御製文集

卷一 勅諭

三

且雷同勿偏執臆見方於國計民生有所
裨益總督叅劾知府例由司道揭報叅劾
州縣例由兩司道府揭報衆論僉同所以
示公也近有叅劾之後始行補揭夫果其
當劾司道府不能揭報於前既有徇庇之
愆而令其補揭於後又欲寬其失察之罪

彼此巧飾以欺朝廷尚得謂之至公平朕
觀古之純臣載在史冊者興利除弊以實
心行實政實至而名亦歸之故曰名者實
之華也今之居官者釣譽以爲名肥家以
爲實而云名實兼收不知所謂名實者果
何謂也爾督臣膺茲簡畀固宜篤矢忠誠

世宗憲皇帝
御製文集

卷一 勅諭

四

尤當戒諭屬員痛改陋習更有仕宦之初
頗著廉名及身躋大位則頓易其操者古
人謂之巧宦其心事豈可問乎且職居制
閫亦非徒以清操自善也若但謹身節用
而遇地方大事一籌莫展雖免貪冒之名
究鮮屏翰之實國家又何所倚毗耶爾督

臣皆

備錄

皇考擢任之大臣朕嗣紹丕基一切遵循
成法惟冀爾等察吏安民練兵核餉崇實
行而不事虛名秉公衷而不持偏見故諄
諄告誡並兩司道府州縣各有諭旨爾等
亦宜細心體察與爾屬吏共勵官箴交相
儆惕朕自優加恩禮始終保全若爾等恣
意徇私不能竭忠盡職則深負

世宗憲皇帝
御製文集

卷一 勅諭

五

皇考簡用之恩其罪甚大國法森嚴朕雖
欲寬貸爾等不可得矣特諭雍正元年正
月初一日

諭巡撫

國家任官守土綏輯兆民封疆之責惟撫
臣爲重今之巡撫卽古者保釐夾輔之臣
也一省之事凡察吏安民轉漕裕餉皆統
攝於巡撫苟非正已率屬振飭勵精則一
切政刑錢穀必致隳墮拊循保障之功何
賴乎夫吏治不清民何由安從來大法則

世宗憲皇帝
御製文集

卷一 勅諭

六

小廉自兩司以至郡縣平時叅見接談卽
可略知其才品優劣迨試以委任訪之輿
情賢否清濁自難淆混惟上官偏私好諛
屬僚善於逢迎者卽推爲才能其樸直自
好潔已愛民之員反無見知之地及至計
典黜陟并遇選擇保題之缺或先納賄賂

或責報異時始爲之薦引亦有寄耳目於
監司等官聽毀譽於幕賓僚友之口以致
舉劾不公潛滋奔競勸賞黜陟既失其當
地方安得良有司乎藩庫錢糧虧空近來
或多至數十萬蓋因巡撫之費用皆取給
於藩司或以柔和交好互相侵那或先鈎

世宗憲皇帝
御製文集

卷一 勅諭

七

致藩司短長繼以威制勒索分肥入已徒
供一身夤緣自奉之費罔顧朝廷帑藏財
用之虛及事發難掩惟思加派補庫展轉
累民負國營私莫此爲甚州縣積穀本爲
備荒之計水旱歉收之歲待此拯濟於民
生最有關係今皆視爲正供之餘項借出

陳易新之名半為胥吏中飽半為州縣補
空一遇灾荒茫無賑貸皆由巡撫平時疎
略包容玩愒所致也屬員缺出委署雖由
兩司詳請其實巡撫操其權下屬鑽營囑
託以缺之美惡定酬賂之輕重攝篆之人
久則年餘近亦數月往往視為傳舍情同

世宗憲皇帝
御製文集

卷一 勅諭

八

行劫不恤小民之脂膏但飽豁壑於無厭
務償得署之餽遺而止試思此一年數月
之間窮黎何罪而可縱貪暴以剝削之乎
此等積弊尤為國法所不容者巡撫叅劾
知府應由司道揭報叅劾州縣應由司道
府揭報所以示公慎無私之義也近有先

行叅劾而令其補揭若所劾不公則其補揭未免以勢凌之使不得不從果其當劾則司道府既不能公揭於前而復巧飾於後以寬其徇庇失察之咎上下容隱視功令爲具文公慎無私之謂何撫標兵丁多者二千餘名少亦千餘名境內設有匪類

世宗憲皇帝御製文集

卷一 勅諭

九

竊發藉以捍禦搜捕今撫臣自謂無行軍進勦之職置標兵強弱於度外不加訓練器械朽鈍營伍廢弛裁汰老弱之兵空糧悉歸私橐大非國家設兵衛民之意矣雲貴川廣徭獍雜處其奉公輸賦之土司皆當與內地人民一體休養俾得遂生樂業

乃不虛朕懷保柔遠之心嗣後毋得生事
擾累致令峒氓失所至於土豪巨猾結交
官吏武斷鄉曲逞奸干紀之徒每或彌縫
漏網而告休歸田之大臣官員安分杜門
反徇私吹索借端凌踐此皆大失好惡之
公尤損保全耆舊之義非鎮撫者所當留

世宗憲皇帝
御製文集

卷一 勅諭

十

意乎爾諸撫臣皆荷

皇考任用之恩受全省撫綏之寄朕纘承
大統祇遵成憲優禮大臣保全終始惟冀
爾等各抒忠悃安靖封疆朕所諭者有則
悔悟速改無則省躬加勉兩司道府州縣
各有諭旨爾亦宜詳細體察與諸屬吏共

相勉勗同心協力以盡職守若不念
皇考簡畀之隆致貽地方黎庶之害負恩
曠職自取罪戾朕又安能廢法以宥爾乎
特諭雍正元年正月初一日

諭布政司

朕惟國家官制分省開藩爾職居方伯任

世宗憲皇帝
御製文集

卷一 勅諭

十一

寄旬宣所以綏輯群黎布昭德意實庶邦
之喉舌列服之綱維任既重矣責亦大矣
府州縣官之賢不省最關民生休戚當不
時察核治行務知其實分別減否以告督
撫爾以無私自信督撫自不以私心致疑
協和盡力以勸賢懲不肖則除害興利一

方安矣今計典之黜陟特疏之薦彈朝廷
憑督撫之奏章督撫憑布按之詳揭爾布
政為官吏表式自當益矢公忠若愛憎任
情是非倒置以諂事上官通行請託為賢
以不善逢迎耻投暮夜為不肖其何以稱
之屏之翰百辟為憲者哉夫官至監司敷

世宗憲皇帝
御製文集

卷一 勅諭

十三

歷有年當服官之初廉潔自守漸登高位
頓改初心更有矯飾虛聲潛納賄賂陋俗
相沿謂之名實兼收其罔上行私為尤甚
孔子謂事君勿欺寧不聞乎賦役會計皆
爾專司調劑均平乃為稱職今錢糧火耗
日漸加增重者每兩加至四五錢民脂民

膏腴剝何堪至州縣差徭巧立名色恣其
苛派竭小民衣食之資供官司奴隸之用
爾試思戶版稅籍誰為職掌私派橫征誰
任其咎顧可失於覺察乎各省庫項虧空
動盈千萬是侵是那總無完補耗蠹公帑
視為泛常尤為不法宜嚴革前弊永杜侵

世宗憲皇帝
御製文集

卷一

一

敕諭

十三

那如司庫盤查之責在巡撫虧空之根亦
由巡撫巡撫借支而布政不應者少矣然
職在監守果能廉正自持則巡撫挾勢借
支斷不能行爾但謹身節用量入為出司
庫必無虧空矣州縣庫盤查之責在知府
覺察虛實之責獨在布政爾但潔已率屬

不容狗庇州縣庫必不虧空矣朕深悉弊
原所以反覆諄切言之冀爾等悔且改也
皇考德洽區宇六十餘年朕嗣守丕基惟
成法是式爾等皆蒙

皇考簡拔職任蕃宣果能各効忠誠凜遵
功令朕自始終保全加以擢用若營私黷

世宗憲皇帝
御製文集

卷一 敕諭

十四

貨曠職累民爾既負

皇考之深恩朕又安能弛國家之令典三
尺莫違爾其慎之特諭雍正元年正月初

一日

諭按察司

朕惟直省大小獄訟民命所關國家各設

按察司以專掌之一切州縣申詳至爾司
而獄成凡督撫達部題奏事件皆由爾司
定案任豈不重歟
皇考仁覆如天每覽西曹奏牘反覆推詳
惟寬惟慎逮情真罪當猶施緩決之恩好
生之德洽於民心六十餘年於茲朕嗣守

世宗憲皇帝
御製文集

卷一 敕諭

十五

大訓思四海之內有匹夫匹婦罰非其辜
者即非所以繼
皇考之志夙夜凜凜焉何道而能不濫不
寃實爾司是賴朕惟國家考定律例所以
弼教非以厲民是故嚴立刑書防其或麗
於法及至斷獄又條分縷析思以曲全其

生書曰欽哉欽哉惟刑之恤哉又曰與其
殺不辜寧失不經此律例之本意也今或
情例相違牽合文法以納民於網或有兩
例並見輒上下其手以自遂其私安得無
冤獄哉

太祖高皇帝之訓曰生殺之際不可不慎

世宗憲皇帝
御製文集

卷一 敕諭

六

聽斷之官必期得情大哉聖言包舉虞書
周禮之義夫折獄憑口供而平反憑案卷
今法吏不求得情惟求完結州縣案卷之
申詳爾司者多鍛鍊口供附於律例冀免
爾司之駁查爾司之詳督撫督撫之揭部
院者又加文致焉冀免三法司之駁查漢

路溫舒所云奏當既成雖臯陶視之猶以
為死有餘辜者也口供案卷如是寃抑何
從平反咎在聽斷之初心原非欲必得其
情也今宜釐剔宿弊歸於明允毋得因循
故事自墮姦欺也大計黜陟由爾司詳報
督撫宜以用刑明慎執法不阿者為賢能

世宗憲皇帝
御製文集

卷一 敕諭

十七

毋以善事督撫弗逆爾意者為賢能也地
方豪猾若苗有莠不除不翦害我嘉生至
於良善巨室致政大臣猾吏或借端侵抑
之非所以稱朕意也邇來士大夫好云名
實兼收所謂名者官爵也所謂實者貨財
也習俗媮薄朕甚憫焉夫六廉之義百司

攸同至納賄出入人罪於法尤重戕人之
命破人之家以潤屋奉身歷觀古來逃於
國法者十無一二免於天罰者更百無一
二書之呂刑曰獄貨非寶非聽訟者之明
訓歟爾司其正已率下使法無枉撓庶幾
刑措之風尚其勗諸特諭雍正元年正月

世宗憲皇帝
御製文集

卷一 敕諭

六

初一日

諭道員

爾等官歷僉司所以贊襄藩臬承流宣化
者也分守分巡職居協理糧河鹽驛各有
專司身居是官必顧名思義名者實之華
也克副其實而後名歸焉如守巡兩道首

當潔已惠民凡府州縣之廉潔貪污俱宜
細加察訪不時密詳督撫以憑舉劾地方
有土豪武斷尤宜禁戢翦除衛良鋤莠乃
稱其實若但知趨承大吏或祇圖下屬陋
規一切吏治民生槩置不問貪庸陋劣殊

負朝廷設官之意矣糧道專理漕運職任

世宗憲皇帝
御製文集

卷一 敕諭

九

匪輕使徒知起運規例扣剋運費苦累運
丁營私煩擾有玷官箴貽害百姓何所底
止河道有董率工程之責凡分修河員孰
賢孰否俱應洞晰並宜親身經歷查勘估
計某口險峻某口平易某處隄工堅固某
處冒支帑金倘不計虛實不辨勤惰僅以

納賄多者為能員餽遺少者為拙吏而於
工程漠不經意一遇坍塌誰之咎耶鹽道
一官尤關國課邇年鹽法弊竇叢生正項
錢糧每多虧欠一由上下各官需索商人
巧立名色誅求無已窮商力竭不得不那

新補舊上虧國課高擡鹽價下累小民至

世宗憲皇帝
御製文集

卷一 敕諭

二

於官鹽騰貴貧民販賣私鹽捕役鬪毆株
連人命流弊無窮一由商人用度奢靡相
仍陋俗不知節儉致欠額徵爾等運籌鹽
法宜將陋例積習盡情禁革必思何以甦
商何以裕課上供軍國下利閭閻方為稱
職驛道為驛站錢糧所係必廉潔自守乃

克剔弊釐奸凡驛遞馬匹數目多寡每有
假冒開銷歲修船隻亦有虛浮不實該員
一貪貨貨勢必昏庸或過於苛覈勒索多
方經管屬吏疲不能支總之病官病民恣
緣貪黷故爾有官垂諸古訓靖共爾位載
在風詩爾等各有常職各守官方名實二

世宗憲皇帝
御製文集

卷一 敕諭

三

字極宜體認今以獻賂為實虛譽為名動
云名實兼收內以欺己外以負國有覲面
目其何以立身而抒忠蓋乎
皇考御極六十餘年以軫恤民生為首務
各省道員必親加遴擢諄諄戒勉極其詳
慎朕纘承大統翼翼小心惟仰體

皇考愛養元元至意亦期爾等爭自濯磨
振飭風憲以副朕望果能肅清綱紀無致
廢弛朕當破格獎勵其或因循不改朕必
置之重法特諭雍正元年正月初一日

興除諭知府

國家親民之官莫先於守令盖州縣官與

世宗憲皇帝
御製文集

卷一 敕諭

三

民最親而知府又與州縣官最親凡州縣
興利除弊之事皆於知府有專責焉是知
府一官分寄督撫監司之耳目而為州牧
縣令之表率承流於上宣化於下所繫綦
重矣漢宣帝有曰太守吏民之本也又曰
庶民所以安其田里而無歎息愁恨之心

者政平訟理也與我共此者其惟良二千
石乎故兩漢循良稱盛而賢守尤多龔黃
召杜諸人大都皆廉潔和平正身率屬以
與民休養生息史稱其所居民富所去民
思此皆彰明較著者也

皇考澄肅官方慎簡僚吏知府中有政績

世宗憲皇帝
御製文集

卷一 敕諭

三

茂異聲名著聞者必加優眷數年之間即
膺殊擢所以鼓勵循良務令羣黎受福爾
等蒙

皇考簡用之恩受國家民社之寄地方不
甚遼遠則於民間之疾苦可以周知勢分
不甚懸殊則於屬下之賢否可以洞悉爾

果廉正自持屏絕賄賂則督撫監司必不致肆行需索而州牧縣令亦不敢肆意貪婪近聞州縣火耗任意加增因知顧忌以小民之脂膏飽貪吏之谿壑由爾不能却遺金於暮夜又安能禁屬吏之濫征乎盤查倉庫必須覈實不可視為故事乃或借

世宗憲皇帝
御製文集

卷一 敕諭

三

盤查之名勒索餽遺是因盤查而虧空愈甚矣爾能時勤勸誡加以體恤則州縣可無虧空之虞能制節謹度淡泊是安則爾亦可免虧空之累勸農課桑以厚風俗禁戢強暴以安善良平情聽斷以清獄訟皆爾職守之所當盡者至於督撫舉劾州縣

必由爾之詳揭務須秉公持正勿涉偏私
若善於逢迎者從而庇護薦拔之而端方
恬靜之人反故為摧抑下吏皆苟且營私
以求容悅地方之事尚可問乎居官者每
有初入仕途清操自矢漸登華要頓改初
心既知砥礪廉隅即當始終一節更有巧

於仕宦者人每謂其名實兼收朕最不解
此語夫名者實之華果能潔已愛民奉公
盡職此所謂實也治行稱首民歌輿頌此
所謂名也實至而名隨之如本立而華茂
焉若以弋取虛譽為名而以封殖多藏為
實此則小人之尤更甚於貪黷彰聞之輩

矣朕纘承大統夙夜祇懼惟恐有負
皇考付託之重深冀爾等各體此意精白
乃心以古循良自勉若徇私納賄不能率
屬愛民貽害地方蔑視憲典三尺具在朕
不能為爾等寬也特諭雍正元年正月初

一日

世宗憲皇帝
御製文集

卷一 敕諭

三

諭知州知縣

朕惟國家首重吏治爾州牧縣令乃親民
之官吏治之始基也貢賦獄訟爾實司之
品秩雖卑職任綦重州縣官賢則民先受
其利州縣官不肖則民先受其害膺茲任
者當體朝廷惠養元元之意以愛民為先

務周察部屋綏輯鄉里治行果有其實循
卓自有其名非內聚賄而外干譽謂之名
實兼收也全省吏治如作室然督撫其棟
梁也司道其垣墉也州縣其基址也書云
民惟邦本本固邦寧夫所以固邦本者在
吏治而吏治之本在州縣苟州縣之品行
不端猶基不立則室不固庸有濟乎

世宗憲皇帝
御製文集

卷一 敕諭

三

皇考臨御六十一年灼知州縣之重特行
引見咨詢明試至詳至慎其有廉能之員
每不次超擢以示鼓勵今海內羣黎皆
皇考所懷保也朕膺顧而承于譽爵之各
宗社重寄思纘再濺里欲云果食其實節

皇考之治功惟爾州縣諸臣具有父母斯
民之責其為朕立之基址以固邦本焉誠
能潔已奉公實心盡職一州一縣之中興
仁興讓教孝教忠物阜民安刑清訟簡朕
將升之朝宁用作股肱如或罔念民瘼恣
意貪婪或朘削肥家或濫刑逞虐或借刻

世宗憲皇帝
御製文集

卷一 敕諭

三

以為清或恃才而多事或諂媚上司以貪
位或任縱胥吏以擾民或徇私逞欲以上
虧國帑王章具在豈爾貸歟更有任州縣
時私肥已橐而漫云且俟顯要方立名節
者其與初市清名晚而改操之人何以異
哉至於錢糧關係尤重絲毫顆粒皆百姓

之脂膏增一分則民受一分之累減一分則民沾一分之澤前有請暫加火耗抵補虧空帑項者官之貪吝冒不測之罪以紓皇考示諭在廷不允其請爾諸臣共聞之矣今州縣火耗任意加增視為成例民何以堪乎嗣後斷宜禁止或被上司察核或

世宗憲皇帝御製文集

卷一 敕諭

三

被科道糾叅必從重治罪決不寬貸夫欲清虧空之源莫如節儉正直節儉則用無不足正直則上官不可干以私若朘小民之生以飽上官之貪欲冒不測之罪以快一時之奢侈豈砥礪廉隅為民父母之道乎爾州縣等官其恪共乃職勿貽罪戾毋

世宗憲皇帝御製文集卷之二

敕諭

諭提督

國家武功赫濯綏靖區夏用資專閫統率
全省將士俾黎庶誠和疆圉寧謐提督之
任綦重矣當茲海宇承平士卒狃於晏安
不以兵革為事相沿日久營伍漸弛非所
以肅軍政飭戎行也爾等皆係

皇考簡用節鉞之大臣尤宜恪遵令典倡
率所屬將弁簡閱卒伍整理器械操演技
勇平時討論軍寔訓練精勤乃稱節制之
師折衝禦侮庶幾有備無患矣夫儲糧裕

世宗憲皇帝
御製文集

卷二 敕諭

一

餉所以足兵食壯干城非為飽一人之私
橐也乃虛兵冒餉侵漁扣剋視為故常以
致朝廷恤兵養士之典止供將吏肥家之
計居心多慾自難彈壓下僚馭眾寡恩何
以振興士氣提臣職任拊循果能廉正自
持無虛給餉俾士飽馬騰有不感激思奮

世宗憲皇帝
御製文集

卷二

敕諭

二

者乎至山海要區得人最重爾身為大帥
凡將佐偏裨果其智勇素著才技優長肅
紀律而輯兵民歷有成績之員或軍政薦
舉或破格題請皆當予以優擢如本係庸
劣之弁徇情面受賄賂始則權宜委任旋
復列名保奏不特冒干名器必致貽誤地

方濫用匪人之咎其能逃於功令乎且設
兵所以衛民文武官屬殊途而轄兵愛民
均有責焉如各執已見不相和協勢必有
縱兵虐民挾制長吏以逞威作奸者在文
臣豈容辭咎而提臣統領水陸重師管轄
不嚴調劑不力致文武抗衡兵民異視責

世宗憲皇帝
御製文集

卷二

敕諭

三

更難寘書曰同寅協恭和衷哉爾當一秉
虛公和衷辦事嚴飭將弁於所屬汎地實
心捍衛勤緝奸宄俾居民安堵無虞地方
感受其利益爾等皆勤勞素著効力年久
之人以清月文左官卷二並兩譯文題月
皇考屢加拔擢洵膺斯任朕祇遵成憲優

遇大臣保全終始爾等其各抒忠悃以無
負朕愛養兵民之至意其總兵副將叅遊
等官各有諭旨爾亦應詳細體察同心協
力共相策勵靖共爾位永奠封疆特諭雍
正元年正月初一日

諭總兵官

世宗憲皇帝
御製文集

卷二 敕諭

四

國家幅幘廣大凡巖疆重鎮關塞要害之
地設立總兵俾之鎮守上承督臣之節制
下樹將弁之表率輯兵安民厥任綦重居
是官者當以寧謐地方為念嚴飭官兵巡
緝奸宄倘有匪類務必窮盡根株使宵小
無從潛匿良民得以寧居若平時漫無覺

察日久必致蔓延綢繆未雨之謂何武臣
雖不干民事然保障捍衛責有攸歸守此
方即當軫念此方之民毋得視之膜外縱
兵肆擾至文武職任雖分盡心王事則一
彼此和衷同心共濟自不致貽誤公事況
揆文振武經術同源善於恤兵必善於愛

世宗憲皇帝
御製文集

卷二 敕諭

五

民尚何至縱兵虐民失國家設兵衛民之
意乎總兵統轄營汛甚多當以訓練為先
嫻騎射整隊伍備器械限期校閱勤惰嚴
分賞罰明而軍政肅隱然一長城矣所屬
將弁兵丁智勇超羣則立登薦剡武藝精
熟則特拔戎行以之鼓厲軍士猶有古良

將風焉兵之所需糧餉最重給糧而扣尅則師旅有枵腹之憂缺兵而不補則營伍有空虛之患總兵率先潔已嚴飭偏裨毋得久懸兵缺以恣侵漁毋得尅減額糧以肥囊橐則兵籍無虛士氣益奮有不收臂指之效者乎至於馭兵之道務在寬嚴得

世宗憲皇帝
御製文集

卷二 敕諭

六

中過寬則兵以怠玩而生驕過嚴則兵以拘迫而滋怨能於嚴明之中隱寓愛恤之意庶幾上下一心忠義自奮此又在爾鎮臣之善為運用者也仰惟
皇考垂誠提鎮諸臣有曰韜鈴宜裕紀律宜明拊循宜至訓練宜精又曰文武輯睦

毋相抗衡軍民調劑各得其平煌煌
天語勤於箴規久矣爾等皆係
皇考簡畀之人果能實心力行不致始勤
終怠上負

聖訓朕心嘉乃成績必懋錫殊典如其徒
擁厚祿虛縻爾位既無益於兵民致有乖

世宗憲皇帝
御製文集

卷二 敕諭

七

於令典國法森嚴朕不爾貸也特諭雍正
元年正月初一日

諭副將叅將遊擊等官

朕惟國家兵制凡疆宇要地既設提督總
兵統率鎮守又設副將叅遊分列營伍遞
相鈐轄蓋從古治兵有大帥必有偏裨所

以宣揚威武協贊軍機收指臂之效奠磐石之安也爾等所屬地形有險易兵數有多寡各宜預定練兵之法親校騎射嚴試技勇簡拔驍銳更換老羸務令一營士卒人材雄健武藝精嫻又時教以行陣使之步伐進退井然有法日演月習氣壯心齊

世宗憲皇帝
御製文集

卷二 敕諭

八

自成有制之師而無難折衝禦侮矣乃有不肖將弁不勤訓練按籍徒有虛名責效毫無實濟營伍廢弛為害最大究其弊由於將弁之貪利而廢法一在冒虛糧而兵無實數一在尅月糧而兵有怨心上虧天家之糧餉下朘窮卒之脂膏身司戎務而

不能廉正以服衆雖日示訓練之法誰為之踴躍用命乎爾等遇有兵丁空缺即選力勇技精者補足隊伍至於馬步各糧按期領給不得尅減分毫古之良將多以愛恤士卒克建膚功投醪挾纊之風爾等宜知嚮慕焉官軍之協守一方所以捍衛一

方之百姓故曰設兵以衛民也防亂於未萌緝奸於已發俾居民安家樂業共享昇平自然受兵之利而不受兵之害倘或約束不嚴縱兵肆虐誘賭放債恃強奪利甚至地方小警漫不防禦緝捕以致奸宄滋蔓徒卸責於有司文武失和秦越相視殊

背國家設兵鎮守之意律法具在罪有攸歸至於爾等簡用督撫中軍責任匪輕尤宜潔已奉公恪遵法紀至都司守備千總把總等負各有城守汛防之責亦宜努力稱職自奮功名朕念爾等曾受

世宗憲皇帝御製文集

卷二 敕諭

十

皇考選擢之恩自應保守前勞力圖後效果能整飭戎伍允著干城之望朕自不惜寵以崇階倘若廢墮武備侵漁糗芻甚且妄執武官不惜死之言恣意逞威虐民生事為害地方王法森嚴決難輕貸特諭雍

正元年正月初一日

督諭督學

朕惟自古帝王皆以興賢育才為務我國
朝自太祖肇造鴻圖太宗肇造鴻圖世祖定鼎中夏首隆學校加意人才開國
規模超越前古至我世宗憲皇帝

御製文集

卷二 敕諭

十一

皇考聖祖仁皇帝御極六十一年培養教
育怙冒涵濡深仁厚澤有加無已

御製訓飭士子文頒布學宮東西南朔海
滋山陬戶習詩書家敦禮樂遐邇無不嚮
風文教之隆無過於此矣朕纘承大統遵
守舊章寤寐求賢惟恐或失念學校為士

子進身之階督學一官尤人倫風化所繫
遴選各省學臣倍加鄭重爾等須廉潔持
身精勤集事實行文風兩者所當並重若
徒事文華而不敦崇實行猶未為盡職也
表揚忠孝節義崇祀先聖先賢訪求山林
隱逸搜羅名蹟藏書而衡文一道專以理

世宗憲皇帝
御製文集

卷二 敕諭

十一

明學正典雅醇潔為主古人云言乃心聲
氣由夙養必士品端而後文風正他日為
國家柱石為朝廟羽儀不綦重歟勿私納
苞苴勿瞻徇情面勿輕視武途勿濫取祠
蔭勿矯激沽名勿昏庸廢事勿卑污貶節
勿驕暴凌人胥吏必謹關防幕客尤宜選

擇如此則内外交咨本末兼修上不負朝廷下不愧多士朕耳目所及必有見聞若罔顧聲名廉隅不飭國有常憲罰必隨之尚其勉旃毋忽特諭雍正元年正月初一

諭各省關差鹽差

世宗憲皇帝御製文集

卷二 敕諭

十三

從來關權鹽稅之設所以通商裕國或用欽差專轄或令督撫兼理無非因地制宜利商便民之至意也朕前於關鹽兩差各下諭旨誥誠諄切但旗員向來相沿成習陽奉陰違任意侈靡不知撙節額外加派苦累商民差滿之日惟恐回京有當差効

力之事每以缺額懇求寬限希圖掩飾是以不憚丁寧再加申飭大抵關差之弊皆未講日計不足月計有餘之長策惟知目前小利恣意侵漁聽信家丁縱容胥吏開關分別遲早肆無厭之誅求報單任意重輕為納課之多寡飽豁壑者則任其漏稅

世宗憲皇帝
御製文集

卷二 敕諭

十四

代為朦朧不遂欲者則倒篋傾箱一物不免致商賈畏懼裹足不前行旅徬徨越關迂道則困商實所以自困也鹽差之弊尤合重懲飛渡重照貴賣夾帶弊之在商者猶小加派陋規弊之在官者更大若不徹底澄清勢必致商人失業國帑常虧夫以

一引之課漸添至數倍有餘官無論大小
職無論文武皆視為利藪照引分肥商家
安得而不重困賠累日深則配引日少配
引日少則官鹽不得不貴而私鹽得以橫
行故逐年之課難以奏銷連歲之引盡皆
壅滯非加派之所致與故關差惟在嚴禁

世宗憲皇帝
御製文集

卷二 敕諭

五

苛求使舟車絡繹貨物流通則稅自足額
鹽差惟在力除加派使商困少蘇畫復舊
業則課自贏餘至於督撫係封疆大吏更
當仰體朝廷歸併之意關政不得視為帶
理漫不經心誤任屬員聽其剝削鹽政不
得因恤窮商獨專厚利硬派州縣計口征

錢夫權關部屬尚有顧忌恐督撫持其短
長今歸督撫則何所瞻顧巡鹽御史地方
官或不奉約束今歸督撫則孰敢抗違況
欽差猶每年更換而督撫兼理則無限期
若不實心奉行使風清弊絕則大負歸併
之本意矣至將耗羨充課固屬急公但恐

世宗憲皇帝
御製文集

卷二

敕諭

六

民重輸疊出何以堪此朕深悉關鹽擾累
之害垂念商民營逐之苦特諭爾等經理
權稅者務期奉公守法遴委得人知商旅
之艱辛絕箕歛之弊竇通商即所以理財
足民即所以裕國如自利自便罔上行私

責有攸歸其悉遵朕旨特諭雍正二年二月初二日
諭八旗文武官員人等
國家念爾等祖父皆屬從龍舊臣著有勲績故加恩後裔量材授官異收心膂驅策之效爾等自當恪守官箴勤勞王事建股

世宗憲皇帝御製文集

卷二 敕諭

十七

肱之盛烈垂清白之家聲庶幾上以仰報君恩下以顯揚世美乃每見旗員居官賢否雜出不能悉體朕意由筮仕之初輒謂旗人與漢人不同漢人無累可以硜硜自守旗人則本旗官屬需索多端親族往來責望甚衆萬一任滿又不免有當差之累

自此念一起百弊叢生不以忠君體國為
心不以曠職殃民為懼潛通賄賂恣意苞
苴惟期囊橐之充盡喪廉隅之守殊不思
國家察吏廉者獎貪者懲滿與漢無二法
也爾等果能潔已奉公始終一節休聲不
著惠政日聞朕自當從優擢用以示獎勵

世宗憲皇帝
御製文集

卷二 敕諭

六

凡所過慮皆可不必如其不然則法網難
寬縱家擁厚貲安能坐享乎至於爾等家
世武功業在騎射近多慕為文職漸至武
備廢弛而由文途進身者又祇僥倖成名
不能苦心向學玩日愒時迄無所就平居
積習尤以奢侈相尚居室器用衣服飲饌

無不備極紛華爭誇靡麗甚且沉湎梨園
遨遊博肆不念從前積累之維艱不顧向
後日用之難繼任意糜費取快目前彼此
效尤其害莫甚朕特加諄諭自茲以後出
仕者各宜精白乃心靖共爾位人人以廉
能自矢不得藉漢人無累旗人有累之說

世宗憲皇帝
御製文集

卷二 敕諭

十九

以遂其罔上行私之術八旗子弟各習其
業文則潛心制義博覽詩書務求用世之
實學武則嫻習弓馬講究韜畧預儲闔外
之良材苟謀一業必思一業之成則人無
廢業將授一官自獲一官之用而國無曠
官矣且各崇儉戒奢安分循禮父以誠其

子兄以誠其弟與其恣情縱意博一日之
豪華何如量入為出謀百年之生計與其
蕩檢踰閑作無藉之匪類何如謹身寡過
勉有用之事功以報朝廷以綿世澤以敦
風俗以保身家顧不羨歟大雅之詩曰凡
周之士不顯亦世蓋欲䟽附先後之子孫

世宗憲皇帝
御製文集

卷二 敕諭

三

亦世世脩德與周匹休也爾八旗皆佐命
後昆深願克紹前修榮名悠遠國家亦重
有賴焉其各欽承毋忽特諭雍正二年二

月初二日

16905

葉華何啻量入無出藉百年之生計與其
千尺以婚其弟與其恣情縱意博一日之

